

III. OUTRAS DISPOSICIÓNS

CONSELLERÍA DE CULTURA, EDUCACIÓN E ORDENACIÓN UNIVERSITARIA

RESOLUCIÓN do 23 de xuño de 2017 pola que se adxudican as axudas do anexo II, modalidade B da Orde do 11 de abril de 2017, pola que se establecen as bases para a concesión, en réxime de concorrencia competitiva, das axudas de apoio á etapa de formación posdoutoral nas universidades do Sistema universitario de Galicia, nos organismos públicos de investigación de Galicia e noutras entidades do Sistema de I+D+i galego, e se procede á súa convocatoria para o ano 2017.

A Orde do 11 de abril de 2017 (DOG núm. 81, do 27 de abril) establece as bases reguladoras e a convocatoria das axudas de apoio á etapa de formación posdoutoral da Consellería de Cultura, Educación e Ordenación Universitaria e a Consellería de Economía, Emprego e Industria a través da Axencia Galega de Innovación (en diante GAIN), en réxime de publicidade, obxectividade e concorrencia competitiva.

O obxecto da modalidade B do Programa de apoio á etapa posdoutoral é outorgar axudas ás universidades do SUG para dar continuidade á formación das persoas investigadoras que obtiveron unha praza na convocatoria do ano 2013 da modalidade A do Programa de formación inicial da etapa posdoutoral do Plan I2C, que permaneceron nel ata o 31 de marzo de 2017 e que acadaron unha avaliación positiva e para aquelas persoas investigadoras da convocatoria de 2012 que por circunstancias especiais tivesen concedido o aprazamento da avaliación e acaden unha avaliación positiva, mediante o financiamento dun contrato de dous anos de duración nunha universidade do SUG.

No artigo 2 da orde de convocatoria determínase quen pode ser beneficiario e no artigo 2 do anexo II os requisitos que deben cumprir as persoas candidatas ás axudas da modalidade B do Programa de apoio á etapa posdoutoral.

De acordo co establecido no artigo 9 desta convocatoria, unha vez analizadas as solicitudes publicáronse as listas provisionais de solicitudes admitidas e excluídas e as entidades solicitantes tiveron un prazo de dez días naturais para formularen reclamacións para emendar erros e falta de documentos das persoas interesadas ante a Secretaría Xeral de Universidades. Unha vez que se recibiu e se examinou esta documentación, publicouse a lista definitiva de solicitudes admitidas e excluídas.



As solicitudes foron avaliadas por un equipo de avaliadores formado por expertos de fóra do Sistema universitario de Galicia (SUG), coa colaboración da Axencia para a Calidade do Sistema Universitario de Galicia (ACSUG), a partir da documentación indicada no artigo 4 do anexo II da convocatoria e segundo o baremo que se indica no artigo 5 do mesmo anexo.

O resultado desta avaliación entregouse á comisión de selección definida no artigo 10 da orde de convocatoria, que elaborou un informe para o órgano instrutor no cal figuran as entidades beneficiarias, xunto coa prelación das persoas candidatas a seren destinatarias das axudas.

A competencia para resolver estas axudas corresponde á persoa titular da Consellería de Cultura, Educación e Ordenación Universitaria, de acordo co artigo 11 da convocatoria.

En consecuencia, de acordo co establecido no artigo 10 das bases da convocatoria e atendendo á proposta de concesión elevada polo órgano instrutor a partir do informe da comisión de selección reunida o día 21 de xuño de 2017, a través da Secretaría Xeral de Universidades,

RESOLVO

Primeiro. Conceder as axudas da modalidade B de apoio á etapa de formación posdoutoral convocadas pola Orde do 11 de abril de 2017 ás entidades que contraten as persoas seleccionadas para unha praza do Programa de apoio á etapa formación posdoutoral que se relacionan no anexo I.

Segundo. Non incluír lista de espera por non haber solicitudes que superen a nota mínima indicada no artigo 5 do anexo II da convocatoria.

Terceiro. Todas as solicitudes que figuran no anexo I desta resolución cumpren os requisitos establecidos nas bases da convocatoria. Así mesmo, as solicitudes que non figuran relacionadas no citado anexo entenderanse denegadas ou desestimadas.

Cuarto. A data de comezo dos contratos será o 30 de xuño de 2017, agás para as persoas non comunitarias que poderán asinar o contrato ata o 31 de agosto de 2017.

Quinto. As axudas concedidas financiaranse con cargo aos orzamentos xerais da Comunidade Autónoma de Galicia para o ano 2017 e anos sucesivos, de acordo coa seguinte distribución segundo a estrutura de pagamentos recollida no artigo 14 da bases da convocatoria.



Universidades do SUG: 20 axudas.

O importe das axudas das universidades do SUG imputarase ao Plan galego de financiamento universitario para o período 2016-2020.

Aplicación orzamentaria	Universidade	Nº de axudas	Crédito (en euros)			
			2017	2018	2019	Total
10.40.561B.444.0	UDC	3	41.316,66	117.000,00	75.683,34	234.000,00
	USC	11	151.494,42	429.000,00	277.505,58	858.000,00
	UVIGO	6	82.633,32	234.000,00	151.366,68	468.000,00
Total		20	275.444,40	780.000,00	504.555,60	1.560.000,00

Aplicación orzamentaria	Universidade	Nº de axudas	Crédito (en euros)			
			2017	2018	2019	Total
10.40.561B.744.0	UDC	3	15.000,00	30.000,00	30.000,00	75.000,00
	USC	11	55.000,00	110.000,00	110.000,00	275.000,00
	UVIGO	6	30.000,00	60.000,00	60.000,00	150.000,00
Total		20	100.000,00	200.000,00	200.000,00	500.000,00

Sexto. As entidades beneficiarias deberán remitir un escrito de aceptación da axuda á Secretaría Xeral de Universidades no prazo de dez días contados a partir do día seguinte ao da publicación desta resolución no DOG e vincularán as persoas seleccionadas cos seus organismos mediante a formalización do correspondente contrato.

Sétimo. O artigo 14 da orde de convocatoria establece que as entidades beneficiarias e contratantes das persoas seleccionadas serán as encargadas de presentar as xustificacións correspondentes adecuadas á normativa comunitaria e nacional de aplicación e serán as perceptoras dos fondos para o pagamento dos contratos.

Segundo o establecido no artigo 45.2 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, transcorrido o prazo establecido de xustificación sen que se presentase ante o órgano administrativo competente, este requirirá o beneficiario para que, no prazo improrrogable de dez días, a presente. A falta de presentación da xustificación comportará a perda do dereito ao cobramento parcial ou total da subvención, a exixencia do reintegro e demais responsabilidades establecidas na Lei de subvencións de Galicia.



Oitavo. Contra esta resolución, que esgota a vía administrativa, as persoas interesadas poderán interpoñer recurso potestativo de reposición ante a persoa titular da Consellería de Cultura, Educación e Ordenación Universitaria no prazo dun mes a partir do día seguinte ao da publicación da resolución no *Diario Oficial de Galicia*, segundo o disposto nos artigos 123 e 124 da Lei 39/2015, do 1 de outubro, do procedemento administrativo común das administracións públicas, ou directamente recurso contencioso-administrativo no prazo de dous meses ante a Sala do Contencioso-Administrativo do Tribunal Superior de Xustiza de Galicia, de conformidade cos artigos 19 e 46 da Lei 29/1998, do 13 de xullo, da xurisdición contencioso-administrativa.

Santiago de Compostela, 23 de xuño de 2017

Román Rodríguez González
Conselleiro de Cultura, Educación e Ordenación Universitaria

ANEXO I
Axudas concedidas

Universidade da Coruña.

Nº de expediente	Univ.	1º apelido	2º apelido	Nome	Rama de coñecemento	Nota avaliación
ED481D 2017/009	UDC	García	Salido	Marcos	Artes e Humanidades	90
ED481D 2017/011	UDC	Díaz	Tapia	Pilar	Ciencias	84
ED481D 2017/023	UDC	Vaamonde	García	Carlos	Ciencias da Saúde	77

Universidade de Santiago de Compostela.

Nº de expediente	Univ.	1º apelido	2º apelido	Nome	Rama de coñecemento	Nota avaliación
ED481D 2017/004	USC	Moure	Pazos	Iván	Artes e Humanidades	96
ED481D 2017/022	USC	Rodríguez	Corral	Javier	Artes e Humanidades	95
ED481D 2017/014	USC	López	Costas	Olalla	Artes e Humanidades	94
ED481D 2017/013	USC	Espinosa	Espinosa	David	Artes e Humanidades	92
ED481D 2017/002	USC	Sánchez	Hernández	Javier	Ciencias	88
ED481D 2017/015	USC	Pérez	Barcala	Gerardo	Artes e Humanidades	88
ED481D 2017/020	USC	Díaz	Lage	Santiago	Artes e Humanidades	87
ED481D 2017/021	USC	Buceta	Fernández	David	Ciencias	86

CVE-DOG: 8b5513u7-i8c8-ax27-5hb2-5grdu2yei8o8



Nº de expediente	Univ.	1º apelido	2º apelido	Nome	Rama de coñecemento	Nota avaliación
ED481D 2017/003	USC	González	Maríño	Iria	Ciencias	84
ED481D 2017/016	USC	Martín	Seijo	María	Artes e Humanidades	80
ED481D 2017/008	USC	de Llano	Neira	Pedro	Artes e Humanidades	76

Universidade de Vigo.

Nº de expediente	Univ.	1º apelido	2º apelido	Nome	Rama de coñecemento	Nota avaliación
ED481D 2017/017	UVIGO	Simón	Vázquez	Rosana	Ciencias da Saúde	98
ED481D 2017/010	UVIGO	Riveiro	Rodríguez	Antonio	Enxeñaría e Arquitectura	87
ED481D 2017/005	UVIGO	Aranguren	Gassis	María	Ciencias	81
ED481D 2017/006	UVIGO	Fernández	Carrera	Ana	Ciencias	80
ED481D 2017/012	UVIGO	de la Calle	González	Inmaculada	Ciencias	76
ED481D 2017/018	UVIGO	Santiago	Iglesias	José Andrés	Artes e Humanidades	75

